

Қазақстан Республикасы  
Ұлттық экономика министрлігінің  
Статистика комитеті төрағасының  
2019 жылғы 19 желтоқсандағы  
№ 14 бұйрығына 8-қосымша

**«Үй шаруашылықтарының тоқсан сайынғы табыстары мен шығыстарын есепке алу журналы» (индексі D 004, кезеңділігі тоқсандық) жалпымемлекеттік статистикалық байқаудың статистикалық нысанын толтыру жөніндегі нұсқаулық**

1. Осы «Үй шаруашылықтарының тоқсан сайынғы табыстары мен шығыстарын есепке алу журналы» (индексі D 004, кезеңділігі тоқсандық) жалпымемлекеттік статистикалық байқаудың статистикалық нысанын толтыру жөніндегі нұсқаулық (бұдан әрі – Нұсқаулық) «Мемлекеттік статистика туралы» Қазақстан Республикасы Заңының (бұдан әрі – Заң) 12-бабы 8) тармақшасына сәйкес әзірленді және «Үй шаруашылықтарының тоқсан сайынғы табыстары мен шығыстарын есепке алу журналы» (индексі D 004, кезеңділігі тоқсандық) (бұдан әрі – Журнал) жалпымемлекеттік статистикалық байқаудың статистикалық нысанын толтыруды нақтылайды.

2. Осы Нұсқаулықта Заңда айқындалған мәндердегі ұғымдар, сондай-ақ мынадай анықтама пайдаланылады:

супервайзер – үй шаруашылықтарына зерттеу жүргізуді қамтамасыз ететін және интервьюерлердің жұмысына бақылауды жүзеге асыратын аумақтық статистика органының қызметкері.

3. Бұл статистикалық байқау тоқсан ішіндегі үй шаруашылықтарының шығыстары мен табыстарын есепке алуға арналған.

Статистикалық байқауға тұрмыс деңгейі бойынша үй шаруашылықтарын іріктеп зерттеуге қатысатын барлық үй шаруашылықтары жатады.

Журналды үй шаруашылығының иесі немесе шаруашылықты жүргізумен көбірек айналысатын және отбасы мүшелерінің шығыстары мен табыстары туралы білетін үй шаруашылығының мүшесі толтырады. Бұл ретте, Журналды жүргізуге «Күн сайынғы шығыстарды есепке алу күнделігі» (индексі D 003, кезеңділігі тоқсандық) жалпымемлекеттік статистикалық байқаудың статистикалық нысанын (бұдан әрі – D 003 нысаны) жүргізген немесе жүргізетін адам жауапты болуы керек екені ескеріледі.

Үй шаруашылығының иесі ретінде еңбекке қабілетті жастағы жұмыспен қамтылған үй шаруашылығының мүшесі болады. Үй шаруашылығында еңбекке қабілетті жастағы жұмыспен қамтылған адамдар жоқ болған жағдайда (зейнеткерлердің үй шаруашылықтары немесе құрамында зейнеткерлер, мүгедектер, студенттер және тағы басқа бар үй шаруашылықтары) үй шаруашылығының иесін қандай да бір табыс түрін иеленетін үй шаруашылығының мүшелері өз бетімен анықтайды.

Тиісті жауап нұсқасы таңдалады, қажет жағдайда цифрлар, жауап нұсқасының коды және (немесе) мәтін енгізіледі. Жауаптың қате коды таңдалған жағдайда, оны сызып тастау және дұрыс жауабын белгілеу қажет (толтыру кезіндегі анықталған қатені респондент сызып тастауы және дұрыс жауабын қасына жазуы қажет).

«Бақылау сомасы» жолын интервьюер толтырады, барлық жолдар бойынша қорытынды сома қойылады.

«Кодтар» бағанында кодтауды интервьюер жүзеге асырады.

4. Журналдың титулдық парағын интервьюер толтырады. «Аумақтың атауы» 1-тармағында облыстың (қаланың), ауданның (қаланың) және ауылдық елді мекеннің атауы көрсетіледі.

5. «Тоқсан ішінде азық-түлік емес тауарларға жұмсалған шығыстар, теңге» 1-бөлімнің 1.1-кіші бөлімі келтірілген тауар топтары бойынша шығыстарды тұрақты түрде

өндірілген күндері жазуға арналған. Жазбалар толық болуы қажет, себебі әрбір тауар алдағы уақытта кодтауға жатады. Киімдер мен аяқ киімдерді сатып алуды жазу барысында олардың кімге сатып алынғанын (ер, әйел, қыз, ұл) көрсету. Мысалы, «әйелдерге арналған былғары туфли», «ұлыма спортқа арналған костюм» және тағы басқа. Егер сыйлыққа алынған болса, сатып алу мақсаты «сыйлық» деп таңдалады.

«Кодтар» А-бағаны [www.stat.gov.kz](http://www.stat.gov.kz) интернет-ресурсында орналасқан Мақсаттар бойынша жеке тұтыну жіктеуішіне Тауар айқындамаларының анықтамалығына сәйкес тауарларды кодтауға арналған.

«Сатып алу мақсаты» 1-бағанында ұсынылған жауап нұсқаларының біреуін таңдау керек. «Басқа» нұсқасына салтанатты және салт-жоралық шараларды өткізумен байланысты сатып алулар және жоғарыда аталмаған өзге де мақсаттар жатады.

2, 3 және 4-бағандарда сәйкесінше сатып алу кезеңінде (1 ай, 2 ай, 3 ай) сатып алу құны бүтін сандарда көрсетіледі.

«Тоқсан бойынша» 5-бағаны 2, 3 және 4-бағандардағы барлық шығыс сомасының қорытындылары бойынша интервьюердің толтыруына арналған.

«Тұрғын үй-жайларды жөндеу және қызмет көрсетуге арналған материалдар» тауарлар тобы бойынша тұрғын үй-жайларды жөндеу және қызмет көрсету бойынша ұсақ жұмыстары үшін материалдарды сатып алу ескеріледі. Күрделі жөндеумен байланысты материалдарды сатып алуға шығыстар Журналда есепке алынбайды.

«Демалыс, спорт, бақша өсіру және үй жануарлары» тауар тобы бойынша малдан басқа үй жағдайында ұсталатын үй жануарларын сатып алулар (иттерді, мысықтарды, құстарды, балықтарды); оларды ұстауға арналған заттар (иттерге арналған қарғыбаулар, тұмалдырықтар, балықтарға арналған аквариумдер, мысықтарға арналған себеттер, ыдыстар), жем, ветеринариялық препараттар есепке алынады.

«Басқа санаттарға жатпайтын жеке күтім заттары» тауар тобында ең бастысы күрделі қаржы жұмсау (капитал жинау) мақсатында сатып алу үшін материалдар мен тастардан жасалынған зергерлік бұйымдарға шығыстар ескерілмейді.

6. «Тоқсан ішінде қызметтерге және отынға жұмсалған шығыстар, теңге» 1-бөлімнің 1.2-кіші бөлімі тұрғын үй-коммуналдық қызметтерді төлеуге және үй шаруашылығының иелігіне жататын барлық тұрғын үй-жайлар үшін отын сатып алуға шығыстарды (саяжайды қоса алғанда); білім алу; денсаулық сақтау; көлік; демалыс; мәдениет; жеке қызметтерге жұмсалған шығыстарды; өзге де қаржы шығыстары; тоқсан ішіндегі қарыз қаражаты бойынша шығыстарды жазуға арналған.

«Тұрғын үй қызметтері, су, электр энергиясы, газ және отынның басқа да түрлері» шығыстар тобында 1.2-кіші бөлімінің «Кәріз» жолы бойынша ассенизаторлық машиналар қызметтері де ескеріледі.

Үй шаруашылығының орталықтан жылытуға қосылған үйі және ағаш отындармен жылытылатын саяжайы болған жағдайда, «Орталықтан жылыту» және «Ағаш отын» жолын толтыру қажет.

Жылыту жылу электр станциясы немесе қазандықтар көмегімен жүзеге асырылған жағдайда, үй орталықтан жылытумен жабдықталған болып саналады.

«Тарату желілері бойынша тасымалданатын газ» жолына газ құрал-жабдығына техникалық қызмет көрсету үшін ақы қосылады.

«Сұйытылған газ үшін төлем» жолында баллондардағы газды сатып алуға жұмсалған шығыстары жазылады.

«Домофон» жолында домофон орнатуға да жұмсалған төлемдер енгізіледі.

Тұрғын үй коммуналдық қызметтерге төлемді жалдау ақысына қосқан жағдайда, бұл сома «Тұрғын үй үшін нақты жалгерлік төлем» жолында есепке алынады және де басқа жолдарда көрсетілмейді.

«Тұрғын үй-жайлармен байланысты басқа да қызметтер» жолында ПИК (Пәтер иелерінің кооперативі) қызмет көрсетулеріне тұрақты төлемдер, жалпы есептегіштерге техникалық қызмет көрсетуге төлем, консерж қызметтері, үйді қорғау қамтылады.

«Байланыс» шығыстар тобы 1.2-кіші бөлімінің «Пошта қызметтері» жолында барлық пошта қызметтерінің түрлері есепке алынады: пошта маркаларын сатып алуды қоса алғанда, сәлем-сауқат, бандерольдар, хаттар, ақша аударымдары жіберу және басқа да қызметтер.

«Телефонға абоненттік төлем» жолына телефонмен сөйлесулерге мерзімдік төлемдер де және телефон желісін жөндеуге шығыстар да кіреді.

«Қалааралық байланыс (республика ішінде)» жолына сонымен қатар байланыс бөлімшелерінен сөйлесулеріне ақы төлеу де қосылады.

«Ұялы байланыс қызметтері» жолында ұялы байланыс қызметтері үшін барлық төлемдер және бір жолғы карталарды сатып алуға жұмсалған шығыстар қамтылады.

«Кабельдік телевизия қызметтері» жолына кабельдік және сандық теледидарға (ID TV) төлем қосылады. «Жерсеріктік телевидение қызметтері» және «Кабельдік телевидение қызметтері» жолдарында кабельдік телевидениені, жерсеріктік антенналарды орнатуға төлемдер есепке алынады.

«Білім беру» шығыстар тобының 1.2-кіші бөлімінде мектепке дейінгі балалар мекемелерінің қызметтері үшін төлемдерде балабақшадағы қосымша сабақтарға жұмсалған (мысалы, ағылшын тілін оқу) шығыстар есепке алынады. Мектептен тыс үйірмелер, музыка сабақтары, репетиторлық қызметтерге шығыстар бұл шығыстар тобына кірмейді, себебі оларды есепке алу Журналдың «Жеке және өзге де қызметтерге шығыстар» тобында жүргізіледі.

«Студенттер үшін бейресми шығыстар» және «Оқушылар үшін бейресми шығыстар» жолдарына гүлдер мен сыйлықтар сатып алу шығыстары, мектеп қорына жарналар, мұғалімдерге төлемдер және өзге де біліммен байланысты бейресми шығыстар кіреді.

«Ересектерге арналған білім» жолына шет тілдер, бухгалтерлік есеп, хатшы-референт, компьютерлік курстар оқуына кеткен шығыстар кіреді.

Мектепке арналған арқаға асатын сөмкесі мен жолдорбаларын, мектеп киімін, кеңсе тауарларын сатып алу осы шығыстар тобына қосылмайды, өйткені оларды есепке алу Журналдың «Тоқсан ішінде азық-түлік емес тауарларға жұмсалған шығыстар» 1.1-кіші бөлімінде жүргізіледі.

«Денсаулық сақтау» шығыстар тобы 1.2-кіші бөлімінің «Амбулаториядағы дәрігер-мамандардың қызметі» жолында дәрігерге алғаш көрінуді қоспағанда, емделумен байланысты көрінулер ескеріледі.

Медициналық зертхана қызметтеріне радиологиялық зерттеулер, ультрадыбыстық зерттеу (УЗО), жалпы қан талдауы, зәрдің жалпы талдауы және тағы басқа зерттеулер кіреді.

Медбикелер мен акушерлердің қызметтеріне қосымша медициналық персоналдардың қызметі, массаж, медициналық медбикелер мен акушерлердің өзге де қызметтері жатады.

«Мамандандырылған парамедициналық қызметтер» жолына инемен емдеу қызметтері, физиотерапевтикалық емдеу, дәстүрлі медицина саласындағы дәрігерлердің қызметі және өзге де парамедициналық қызметтер кіреді.

Стационарлардағы жалпы бейіндегі дәрігерлердің қызметтері тар көлемді мамандардың дағдыларын меңгерген жалпы бейіндегі мамандардың қызметтері кіреді, бұл оларға ең көп тараған ауруларымен науқастарды емдеуге және зерттеуге мүмкіндік береді (емделушінің алғашқы қарауын жүргізетін, ауруханаларда (стационарларда) ауруханаға жатқан науқастарды емдейтін терапевтер, бала дәрігерлері).

Стационарлардағы дәрігер-мамандардың қызметтеріне медицинаның нақты саласында арнайы дайындықтан өткен және осы салада стационарларда (ауруханаларда) жұмыс істейтін тар көлемді мамандардың (отоларинголог, көз дәрігері, хирург сияқты және басқалар) қызметтері кіреді.

«Денсаулық сақтауға бейресми шығыстар» жолында гүлдерді, сыйлықтарды сатып алу шығыстары және өзге де денсаулық сақтаумен байланысты бейресми шығыстар кіреді.

«Көлік» шығыстар тобы 1.2-кіші бөлімінің «Жиһаздарды, жүктерді тасымалдау» жолында көлік құралдарының барлық түрлерін жалдауға төлем есептеледі: автомобиль, теміржол, әуе, су, көлік-арба. Бұл жолда қала ішінде және елді мекендерде, олардан тысқары жерде тасымалдауларға шығыстары көрсетіледі.

«Көліктердің басқа да түрлерімен жол жүруге оқушылардың жолақысы» және «Көліктердің басқа да түрлерімен жол жүруге студенттердің жолақысы» жолдарында жолаушы көлігіне құрамдастырылған жол жүру құжаттары – жеке көлік құралдарын тасымалдауды қосқанда, шығыстарды олардың арасында бөлу мүмкін болмаған кезде жеке тұлғалардың екі және одан көп көлік түрлерінде жол жүруі және жүкті тасымалдауы ескеріледі. Мысалы, көліктің бірнеше түріне жол жүру билеттері. Бұл жолдар бойынша оқушылар мен студенттерді (үйден оқу орнына дейін және кері) тасымалдау үшін көлік құралын немесе жүргізушіні жалға алу бойынша шығыстар және ат көлігі ескеріледі.

«Демалыс және мәдениет» шығыстар тобы 1.2-кіші бөлімінің «Кешенді демалысты ұйымдастыруға» Түркияға, Қытайға және басқа да елдерге демалуға арналған шығыстар, экскурсияларға және демалыс үйлеріне, балаларға арналған демалыс лагерлеріне жолдамалар енгізіледі.

Үй жануарларын күтіп ұстау қызметтеріне арнайы шаштараздарда иттерді жуу, қылын қидыру, үй жануарларын баптаумен байланысты, өмір сүруін қамтамасыз ететін және жүніне қарау және үй жануарларының тәнін әшекейлеумен баланысты және жануарларды ұстаумен байланысты басқа қызметтер кіреді.

«Үй жануарларын емдеу бойынша қызметтер» жолы бойынша үй жануарларын емдеу бойынша ветеринарлық емдеу (амбулатордық қабылдауда диагнозды қоюмен және ветеринардың кеңесімен жануарды қарау) қызметтері, ауруға қарсы екпелер қамтылады. Осы жолда малдар үшін ветеринарлық қызметтерге шығыстар есепке алынбайды, себебі аталған шығыстарды есепке алу «Өсімдік және мал шаруашылығы өнімдерін өндіру, тауарлар өндіру (қайта өңдеу нәтижесінде алынған) мен қызмет көрсету» 4-бөлімінде қамтылады.

«Мектептен тыс сабақтар» жолында білім беру курстарында оқуды қоспағанда, үйірмелерде, студияларда, балаларды көркем тәрбиелеу үйлерінде, өнер және қолданбалы өнер мектептерінде, клубтарда және басқа да балаға арналған мектептен тыс мекемелерде сабақ оқуына шығыстар ескеріледі.

«Музыка үйрену бойынша сабақтар» жолы скрипка, виолончель, фортепиано, баян, домбыра, қобыз, гитара, флейта кластары бойынша және басқа да музыкалық мектептерде оқуы үшін ақыны қамтиды.

«Жеке және өзге де қызметтер» шығыстар тобының 1.2-кіші бөлімінің тұрғын үй-жайларды жөндеу және қызмет көрсету бойынша қызметтерге темір ұсталардың, электриктердің, балташылардың, әйнекшілердің, сырлаушылардың, газэлектрдінекершілердің, сантехниктердің, сәндеушілердің және басқа да тұрғын жайларды ағымдағы ұстау мен жөндеуге жалданғандардың қызметтері жатады.

«Мейрамхана, дәмханалар және осыған ұқсас мекемелер» жолында көрсетілген қоғамдық тамақтандыру объектілерінде салтанатты және салт-жоралық шараларды жүргізуге шығыстар ескеріледі.

«Салт-жора қызметтері» жолына ескерткіш орнатуға, қайырымдылық, майшамдар сатып алуға, діни рәсімдер өткізуге шығыстар қосылады.

«Басқа да қызмет түрлері» жолында мүлікті ресімдеумен және қайта ресімдеумен; газет, радио және теледидарда жарнамаларды орналастырумен; құжаттарды ламинитаумен; визиткаларды, мөрлерді дайындаумен; ауызша және жазбаша аударумен; дәретхананы қолданумен; сыйлықтарды ораумен; базарға кірумен байланысты және тағы басқа қызметтер ескеріледі.

«Тоқсан ішінде өзге де қаржы шығыстары, теңге» 1.3-кіші бөлімінің «Бюджетке өзге де төлемдер» жолы төлемдердің келесі түрлерін қамтиды: кәсіпкерлік қызметке патент сатып алу, мемлекеттік баждар және басқа да төлемдер.

«Төлемдер жүргізген үшін ақы» жолы бойынша коммуналдық қызметтер бойынша төлемдерді (комиссия) өткізгені үшін ақы кіреді.

«Материалдық көмек ақшалай түрде», «Өзі өндірген тамақ өнімдері түріндегі көмек» және «Өзге де трансферттер» жолдары бойынша басқа үй шаруашылықтарына берілген трансферттер және көмек туралы ақпарат көрсетіледі. Егер көмек заттай түрде берілсе, онда нарық бағасы бойынша бағалауды теңгемен жүргізу керек.

Бұл бөлімнің мақсаты үй шаруашылықтарына көрсетілетін көмектің түрі мен көлемі туралы ақпаратты алу болғандықтан, екі рет есепке алуды болдырмау мақсатында «Өзге де трансферттер» жолында «Тоқсан ішінде көрсетілетін қызметтерге және отынға жұмсалған шығыстар, теңге» журналының 1-бөлімінің 1.1-кіші бөлімінде сыйлық ретінде есепке алынған сыйлық үшін сатып алынған азық-түлік емес тауарлар және D 003 нысанының «Азық-түлік өнімдерін, алкогольсіз және алкогольді сусындар, темекі өнімдерін сатып алу» 2-бөлімінде есепке алынған азық-түлік және сусындар көрсетілмейді.

«Қайырымдылық» жолына мұқтаж ұйымдарға, балалар үйлеріне, кедей адамдарға, діни ұйымдарға берілген әртүрлі қайырымдылықтар жатады.

7. «Табыстар, теңге» 3-бөлімінде жұмыс (Қазақстан Республикасы аумағында), ажырасу, оқу және өзге де (ауруханада, бас бостандығынан айыру орындарында, басқа тұратын жерге көшіп кету және басқа) себептер бойынша уақытша кеткендерді және уақытша келгендерді қоса алғанда, ағымдағы тоқсан үшін 15 жастағы және одан үлкен үй шаруашылығының әрбір мүшелерінің табыстары туралы ақпарат көрсетіледі.

Жалдамалы жұмыстан түскен табысқа жалақыны, жалақыға үстемелерді, көтермелеу төлемдерінің ақшалай немесе заттай нысандағы барлық түрлерін, қаламақыны, сыйақыны, пайдадан түскен, еңбекке жарамсыздық парақтары бойынша табысты, жұмыстан шығардағы жәрдемақыны, жұмыс берушіден алынатын медициналық шығыстар үшін жұмыс берушіден алынатын өтемақылар кіреді. Жеке тұлғаларда жалдану бойынша жұмыс істейтін үй қызметшілері, бала күтушілер, үй жинаушылар, аспаздар, бағбандар, хатшылар да жалдамалы қызметкерлерге жатады. Жалдамалы емес жұмыстан түскен табысқа ақшалай және заттай нысандағы кәсіпкерлік қызметтен түскен пайда, жеке шаруашылықта өсірілген ауыл шаруашылығы (өсімдік шаруашылығы және мал шаруашылығы) өнімдерін сатудан түскен табыстар жатады. Жалдамалы емес жұмыстан түскен табысқа мүліктен пайыз түріндегі табыс, дивидендтер, рента және басқа да жеке меншіктен түскен табыс түрлері, сондай-ақ сыйлықтар мен әлеуметтік көмек кірмейді.

Жалдамалы емес жұмыстан түскен табыста «Өсімдік және мал шаруашылығы өнімдерін өндіру, тауарлар өндіру (қайта өңдеу нәтижесінде алынған) мен қызмет көрсету» 4-бөлімінің 4.12-сұрағының 2 және 3-бағандарында көрсетілген меншікті өндіріс өнімдерін сатудан түскен табыстар да есепке алынады.

4.5 және 4.11-сұрақтардан ауыл шаруашылығы өнімдерін сатудан түскен табыс та жалдамалы емес жұмыстан түскен табысқа жатады.

«Табыстар, теңге» 3-бөлімінің «Жасы бойынша зейнетақы» жолына жасы бойынша азаматтық, сонымен қатар әлеуетті құрылым зейнеткерлері алатын сомасы және мемлекеттік базалық зейнетақы төлемі қосылады.

«Атаулы әлеуметтік көмек» жолында облыстарда (республикалық маңызы бар қалада, астанада) белгіленген, орта есеппен жан басына шаққандағы айлық табысы кедейліктің шегінен төмен адамдарға (отбасыларға) мемлекет ұсынатын ақшалай түрдегі төлем есепке алынады.

«Тұрғын үй көмегі» жолында коммуналдық қызметтерге шығыстары осы мақсаттарға арналған шекті рұқсат етілген шығыстардың белгіленген үлесінен асатын аз қамтылған отбасылардың дербес шоттарына мемлекет ақшалай төлем немесе ақшалай

қаражатты аудару түрінде беретін көмек көрсетіледі.

«Балалы отбасыларға берілетін мемлекеттік жәрдемақы» жолында 18 жасқа дейін балалары бар отбасыларға туғанға, 1 жасқа толғанға дейін бала күту бойынша, көпбалалы аналарға жәрдемақы, мүгедек баланы тәрбиелеушіге жәрдемақы және балалық шағынан бірінші топтағы мүгедекке қарау бойынша мемлекет беретін жәрдемақы ескеріледі.

«Арнайы мемлекеттік жәрдемақы» жолында мынадай арнайы мемлекеттік жәрдемақы түрлері қамтылады:

Ұлы Отан соғысының қатысушыларына;

Ұлы Отан соғысының мүгедектеріне;

Ұлы Отан соғысының қатысушыларына теңестірілген адамдарға берілетін жеңілдіктер мен кепілдемелер;

Ұлы Отан соғысының мүгедектеріне теңестірілген адамдарға берілетін жеңілдіктер мен кепілдемелер;

Ұлы Отан соғысында қаза тапқан (қайтыс болған, хабарсыз кеткен) жауынгерлердің екінші рет некеге тұрмаған жесірлеріне;

Ауғанстанда немесе соғыс қимылдары жүргізілген басқа мемлекеттерде соғыс қимылдары кезінде қаза тапқан (хабарсыз кеткен) немесе жаралану, контузия алу, мертігу, ауру салдарынан қайтыс болған әскери қызметшілердің отбасыларына, арнайы мемлекеттік органдарының қызметкерлеріне;

бейбіт уақытта әскери қызмет атқару, арнайы мемлекеттік органдарда қызмет кезінде қаза тапқан (қайтыс болған) әскери қызметшілердің отбасыларына, арнайы мемлекеттік органдарының қызметкерлеріне;

қызмет міндеттерін атқару кезінде қаза тапқан ішкі істер органдары қызметкерлерінің отбасыларына;

Чернобыль АЭС-дағы апаттың және азаматтық немесе әскери мақсаттағы объектілердегі басқа да радиациялық апаттар мен авариялардың зардаптарын жою кезінде қаза тапқандардың отбасыларына;

сәулелену аурулары салдарынан қайтыс болғандардың немесе қайтыс болған мүгедектердің, сондай-ақ қайтыс болуы Чернобыль атом электр станциясындағы апат және басқа да радиациялық апаттар мен азаматтық немесе әскери мақсаттағы объектілерде болған авариялар және ядролық сынақтар әсеріне белгіленген тәртіппен байланысты болған азаматтардың отбасыларына;

қайтыс болған соғыс мүгедектерінің және соларға теңестірілген мүгедектердің әйелдеріне (ерлеріне), қайтыс болған соғысқа қатысушылардың, партизандардың, астыртын әрекет жасаушылардың, «Ленинградты қорғағаны үшін» медалімен немесе «Қоршаудағы Ленинградтың тұрғынына» белгісімен марапатталған азаматтардың, жалпы сырқаттанудың, еңбекте мертігудің және басқа да себептердің (құқыққа қарсыларын қоспағанда) салдарынан мүгедек деп танылғандардың екінші рет некеге отырмаған әйелдеріне (ерлеріне);

Кеңес Одағының Батырларына, Социалистік Еңбек Батырларына, үш дәрежелі Даңқ ордендерінің кавалерлеріне, «Қазақстанның ғарышкер-ұшқышы» құрметті атағына ие болған адамдарға;

«Халық қаһарманы» құрметті атағына ие болған адамдарға;

«Қазақстанның Еңбек Ері» құрметті атағына ие болған адамдарға;

Ұлы Отан соғысы жылдарында тылдағы жанқиярлық еңбегі мен мінсіз әскери қызметі үшін бұрынғы Кеңестік Социалистік Республикалар Одағының ордендерімен және медальдарымен марапатталған адамдарға және 1941 жылғы 22 маусым – 1945 жылғы 9 мамыр аралығында кемінде алты ай жұмыс істеген (әскери қызмет өткерген) және Ұлы Отан соғысы жылдарында тылдағы жанқиярлық еңбегі мен мінсіз әскери қызметі үшін бұрынғы Кеңестік Социалистік Республикалар Одағының ордендерімен және медальдарымен марапатталмаған адамдарға;

1988-1989 жылдардағы Чернобыль АЭС-дағы апаттың зардаптарын жоюға қатысушылардың, қоныс аудару күнінде құрсақта болған балаларды қоса алғанда, оқшаулау және көшіру аймағынан Қазақстан Республикасына қоныс аударғандардың (өз еркімен кеткендердің) қатарындағы адамдарға;

«Қазақстан Республикасында мүгедектігі бойынша және асыраушысынан айырылу жағдайы бойынша берілетін мемлекеттік әлеуметтік жәрдемақылар туралы» Қазақстан Республикасының 1997 жылғы 16 маусымдағы Заңының 12-бабы 5-тармағында көзделген жасына байланысты берілетін зейнетақы төлемдеріне мүгедектігі бойынша төленетін айлық жәрдемақы мөлшеріне дейін қосымша төлем алушыларды қоспағанда, жасына байланысты берілетін зейнетақы төлемдері немесе еңбек сіңірген жылдары үшін төленетін зейнетақы төлемдері тағайындалған бірінші, екінші және үшінші топтардағы мүгедектерге және Ресей Федерациясының заңнамасына сәйкес мүгедектігі бойынша зейнетақы алу шартымен Байқоңыр қаласында тұратын бірінші, екінші және үшінші топтардағы мүгедектерге;

Ресей Федерациясының заңнамасына сәйкес мүгедектігі бойынша зейнетақы алу шартымен Байқоңыр қаласында тұратын он алты жасқа дейінгі мүгедек балаларға;

Ресей Федерациясының заңнамасына сәйкес мүгедектігі бойынша зейнетақы алу шартымен Байқоңыр қаласында тұратын он алтыдан он сегіз жасқа дейінгі бірінші, екінші, үшінші топтардағы мүгедек балаларға;

саяси қуғын-сүргін құрбандарына, мүгедек болып қалған немесе зейнеткер болып табылатын саяси қуғын-сүргіннен зардап шеккен адамдарға;

Қазақстан Республикасына сіңірген ерекше еңбегі үшін зейнетақы тағайындалған адамдарға.

«Мемлекет беретін трансферттің басқа да түрлері» жолында келесі төлемдер есепке алынады:

үйінде тәрбиеленетін және оқитын мүгедек-балаларды материалдық қамтамасыз ету;

азаматтарды жерлеуге берілетін жәрдемақы;

экологиялық апат аймағында тұрып жатқандарына байланысты біржолғы өтемақылар;

саяси қуғын-сүргін құрбандарына және басқаларына ақшалай өтемақы.

«Заттай түрдегі әлеуметтік трансферттер» жолында жергілікті бюджеттен жұмыс орны бойынша және басқа қаржы көздерінен (әкімдіктерден, ардагерлер кеңесінен және басқа) көмек көрсетіледі.

«Материалдық көмек ақшалай түрде», «Заттай түрде материалдық көмек (азық-түлік емес тауарлар)» және «Өзге де трансферттер» жолдарында үй шаруашылығы туыстарынан және достарынан алған трансферттер ескеріледі. Осы жерде D 003 нысанының 4-бөлімінде көрсетілген сыйлыққа алынған азық-түліктер ескерілмейді. Егер көмек заттай нысанда берілсе, онда нарық бағасы бойынша бағалауды теңгемен жүргізу керек.

Жылжымайтын мүлікті сатудан түсетін табысқа үйді, пәтерді, саяжайды және жер телімдерін сатудан түскен табыстар, саяжайды бұзуға және басқа төлемдер кіреді.

«Жеке және үй мүліктерін сатудан түсетін табыстар» көлік құралдарын, киім-кешекті, зергерлік бұйымдар мен өзгелерді сатудан түскен табыс есепке алынады.

«Жекеменшіктен түсетін табыс (дивидендтер, салымдар бойынша пайыздар, қаламақылар)» жолында бағалы қағаздардан немесе акциялардан дивидендтер, ақшалай салымдар бойынша пайыздар, авторлық қаламақылар ескеріледі.

«Өзге де ақшалай түсімдер» жолы жоғарыда көрсетілген табыстардың санаттарында ескерілмеген барлық табыстарды, соның ішінде: зерттеуге қатысқаны үшін ақыны; мүлікті, тұрғын үйді, автомобильдерді сақтандыру бойынша төлемдерді; өмірді, денсаулықты сақтандыру бойынша төлемдерді; үй шаруашылығына тиесілі мүлікке келтірілген зиянды өтеуіне байланысты төлемдерді; мұраны; лотереядағы ұтыстарды және

басқаларды қамтиды.

«Дотациялар мен жеңілдіктер» жолында үй шаруашылықтарының дотациялар және жеңілдіктер алған белгілі сомасы, соның ішінде жұмыс берушіден берілетін тауарлар мен қызметтер түріндегі материалдық игіліктері (толық немесе ішінара төлеммен) көрсетіледі:

тамақтану және азық-түлік өнімдеріне;

жұмыс беруші өндірген (ұсынған) тауарлар мен қызметтерге;

ұялы телефонмен әңгімелесуге;

қоғамдық көлікке арналған жолақыға;

көлік шығыстарына (қалааралық автомобильде, теміржол, әуе, теңіз және өзен жолаушылар көлігіне арналған жолақыға, такси қызметтеріне);

демалыс үйлеріне, санаторийлерге, балаларға арналған демалыс лагерлеріне жолдамаларға;

дәрі-дәрмектерге;

тісті протездеуді қоса алғанда, медициналық қызмет көрсетуге;

мектепке дейінгі мекемелерде балаларды ұстауға, балаларды оқытуға;

кәсіптік білімге;

мәдени-спорттық іс-шараларға;

тұрғын үйге, отынға және коммуналдық қызметтерге ақы төлеуге;

мал, жемшөп сатып алуға;

арнаулы киімге, киіндіруге;

дотациялар және жеңілдіктердің басқа да түрлеріне.

8. «Өсімдік және мал шаруашылығы өнімдерін, тауарлар өндіру (қайта өңдеу нәтижесінде алынған) мен қызмет көрсету» 4-бөлімі тауарлар өндіретін және (немесе) басқа үй шаруашылықтарына қызмет көрсететін, мал, құс, бал арасын немесе басқа да ауыл шаруашылығы малдары бар, жер учаскесіне (учаскелеріне) қол жеткізе алатын үй шаруашылықтарына арналған.

Үй шаруашылығының жерге қолжетімділігі туралы 4.1-сұрағы зерттелетін барлық үй шаруашылығына қойылады. Егер үй шаруашылығының жеке меншігінде жер учаскесі болмаса, бірақ оны жалға алатын болса, тиісінше оның жер учаскесіне қолжетімділігі бар деп саналады. Жауаптың бір нұсқасы таңдалып, белгіленеді. «Иә» деп жауап берген жағдайда келесі сұраққа көшеді, ал «Жоқ» деп жауап берген жағдайда 4.6-сұраққа көшу керек.

4.2-сұрақта жауаптың бір нұсқасы таңдалып, белгіленеді. «Иә» деп жауап берген жағдайда келесі сұраққа өтеді, «Жоқ» деп жауап берген жағдайда 4.4-сұраққа көшеді.

4.3-сұрақтың «Жер учаскесін пайдалануға байланысты өзге де шығыстар» жолына саяжайды ұстауға (суландыру, жарықпен қамтамасыз ету, қорғау және тағы басқалар) кеткен шығыстар да кіреді.

4.4-сұрақта жауаптың бір нұсқасы таңдалып, белгіленеді. «Иә» деп жауап берген жағдайда келесі сұраққа өтеді, «Жоқ» деп жауап берген жағдайда 4.6-сұраққа көшеді.

4.5-сұрақта 2, 3, 4, 5, 6, 7 және 8-бағандарда есепке алу нақты көріністе жүргізіледі (килограммда немесе тоннада, гүлдерден басқа), бұл ретте жол бойынша біркелкі, ал 9, 10-бағандарда құндық (теңге) өлшем бірлігі сақталады. 10-бағаннан басқа барлық бағандарда ақпарат зерттелінетін тоқсанға көрсетіледі, оларда бұрын жасалған дайындамалар есепке алынбайды.

4.6-сұрақта жауаптың бір нұсқасы таңдалып, белгіленеді. «Иә» деп жауап берген жағдайда 4.7-сұрақ қойылады, «Жоқ» деп жауап берген жағдайда 4.12-сұраққа көшеді.

4.9-сұрақта ұдайы өндіруге және өсіруге арналған тек малдардың төлдерін және құстарды; араларды, сондай-ақ малдардың етке өткізілмейтін түрлерін бұл жұмысқа жегілетін жылқылар, есектер, қашырлар және тағы басқалар сату есепке алынады.

4.10-сұрақта жауаптың бір нұсқасы таңдалып, белгіленеді. «Иә» деп жауап берген жағдайда келесі сұраққа өтеді, «Жоқ» деп жауап берген жағдайда 4.12-сұраққа көшеді.



4.11-сұраққа кестеде 2, 3, 4, 5, 6 және 7-бағандар заттай нысанда, ал 8 және 9-бағандар құндық нысанда толтырылады. 2, 3, 4, 5, 6, 7 және 8-бағандарда есепті тоқсанға алынған мал шаруашылығы өнімдері көрсетіледі, ал 9-бағанда бұдан бұрын өндірілген мал шаруашылығы өнімдерін сатудан түскен түсімдер сомасы көрсетіледі.

Ет өндірісі сойыс салмағында есепке алынады, сондықтан үй шаруашылықтары ересек малды немесе құсты тірі күйінде өткізген кезде мал басы келесі келтірілген қайта есептеу коэффициенттеріне сәйкес етке есептеледі: ірі қара мал үшін – 0,53, қойлар үшін – 0,50, ешкілер үшін – 0,49, шошқалар үшін – 0,70, аттар үшін – 0,52, құстар үшін – 0,70, түйелер үшін – 0,53 және өзгелерге – 0,50. Олар бойынша деректер 2, 3, 4, 5, 6 және 7-бағандарға енгізіледі.

8 және 9-бағандарда қосымша ет өнімдерін есепке алмағанда, тірі малды сату құны көрсетіледі.

Сүт өнімдеріне: қаймақ, қатық, қышқыл сүт өнімдері, йогурттар, қымыз, шұбат, сүт консервілері жатады. Бұл топқа сүт қосылмайды, өйткені ол «Сіз тоқсан ішінде қандай өнім алдыңыз?» 4.11-сұрағының кестесінде есепке алынады.

Тоқаш және ұннан дайындалатын кондитерлік өнімдер жолына нан және нан-тоқаштың және кондитерлік өнімдердің барлық түрлері; шұжықтар және басқа ет өнімдеріне – үй шұжықтары, қазы, шұжық, жая, қарта, доңыз майы (шошқаның қыртыс майы), бұқтырма, ет консервілері; басқа тамақ өнімдеріне – кептірілген жемістер, ауланған балықтар (үй шаруашылығының өзімен ұсталынған), саңырауқұлақтар және басқа тамақ өнімдері қосылады.

Тұтыну тауарларын өндіру құны сатып алушының бағасымен (нарық бағасында) есепке алынады.

4.13-сұрақта «Сауда» жолында сүтті, етті, көкөністерді және басқа ауыл шаруашылық өнімдерін, сондай-ақ үй шаруашылығында дайындалған тамақтарды және сусындарды сатудан түскен кірісті қоса отырып, азық-түлік және азық-түлік емес тауарларды сатудан түскен таза табыс есепке алынады.

«Білім беру саласындағы қызметтер» жолында репетиторлық және өзге де білім беру қызметтері кіреді.

«Денсаулық сақтау саласындағы қызметтер» жолына массаж, уколдар және басқа да қызметтер жатады.

«Тұрғын үйді жалға беру» жолына үйді, тұрғын емес (өндірістік) үй-жайларды: гараждар, қойма орындарын жалға беруден түскен табысты және шығындарды қамтиды.

9. Есепті кезең аяқталғаннан кейін интервьюер қандай да бір сұрақтар қалып кетпегендігіне көз жеткізу үшін Журналды тағы да бір рет қарап шығып, алып кетеді. Интервьюер үй шаруашылығынан тыс жерде нысанды қайта қарап шығады, егер қандай да бір сәйкессіздіктерді тапса, қайта үй шаруашылығына барады (жеке немесе телефонмен) және жеткіліксіз ақпаратты анықтайды.